

四庫全書

子部

欽定四庫全書

子部

喻林卷

六十一

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱忻

謄錄舉人臣曹勲祖

欽定四庫全書

喻林卷六十

明 徐元太 撰

人事門 五十八

愚人

衛之諸臣顏色衰然如見塞耳無聞知也人之耳聾恒

多笑而已

鄭氏箋  
詩堯丘

周子有兄而無慧不能辨菽麥

左傳成公  
十八年

痛哉言乎人頭畜鳴

史記秦  
始皇紀

此禽鹿視肉人面而能疆行者耳

史記李斯列傳

劉表道不相越而欲卧收天運擬蹤三分其猶木禺之

於人也

後漢書劉表傳論

此畏水投舟避坎蹈井愚夫之不若何取於政哉

晉書刑法

志

人有畏影惡跡而去之走者舉足愈數而迹愈多走愈

疾而影不離身自以為尚遲疾走不休絕力而死不知

處陰以休影處靜以息迹愚亦甚矣

莊子漁父

今是人之口腹安知禮義安知辭讓安知廉耻隅積亦  
咄咄而噍鄉鄉而飽已矣人無師無法則其心正其口

腹也

荀子  
榮辱

夫是之謂上愚魯不如好相雞狗之可以為名也

荀子  
儒效

夏首之南有人焉曰涓蜀梁其為人也愚而善畏明月  
而宵行俯見其影以為伏鬼也仰視其髮以為立魅也  
背而走比至其家者失氣而死豈不哀哉故傷於溼而  
擊鼓鼓痺則必有弊鼓喪豚之費矣而未有俞疾之福

也故雖不在夏首之南則無以異矣

荀子  
解蔽

解門以為薪塞井以為白人之從事或時相似

淮南子  
說林訓

以篙測江篙終而以水為測惑矣

淮南子  
說林訓

魯哀公問孔子曰予聞忘之甚者徙而忘其妻有諸乎

孔子對曰此非忘之甚者也忘之甚者忘其身

說苑  
敬慎

有鄙心者不可授便勢有愚質者不可予利器

說苑  
談叢

牛耳聾聵不曉聲味委以鼎俎治亂潰潰

焦氏易林  
小過之隨

含血走禽不曉五音匏巴鼓瑟不悅於心

焦氏易林  
小過之兌

槌埴索塗冥行而已矣

揚子修身

畏舟之危自投於水憂難於處樂其亟決

風俗通過舉

昔有越人行舟而遇低梁望之乃石梁也溢于潮梁不  
沒者三尺舟不得進越人鑿其梁力竭而斃頃之潮涸  
後有涉梁者又待潮而不進有漁者曰子何不踰梁而  
待潮乎若不踰梁而待是使越人笑於梁烏得為善用  
其舟乎今王用臣之言而復為越人鑿梁之計謂其賢  
於鴟夷而忽漁者之論也臣竊惑焉

天祿閣外史論學

物有異類形有同色白石如玉愚者寶之魚目似珠愚者取之狐貉似犬愚者蓄之骷髏似爪愚者食之

武侯十六

策察疑

以已至之瑞效方來之應猶守株待兔之蹊藏身破置

之路也

王充論衡宣漢篇

不學者雖存謂之行尸走肉耳

王予年拾遺記後漢

假令有人耻迅走而待野火之燒藝羞逃風而致沈溺

於重淵者世必呼之為不曉事也

抱朴子內篇勤求



此何異乎在紗幌之外不能察軒房之內而肆其倨慢  
謂人之不見已此亦如竊鍾棖物鏗然有聲惡他人聞  
之因自掩其耳者之類也

抱朴子內  
篇勸求

設令抱危篤之疾須良藥之救而不肯即服須知神農  
岐伯所以用此草治此病本意之所由則未免於愚也

抱朴子內

篇對俗

過而不改斯誠委夷路而陷叢棘舍嘉旨而咽鈎吻者

也

抱朴子外  
篇疾謬

愚者夢中自以為寤故竊竊然以所好為君上所惡為  
牧圉欣然信一家之偏見可謂固陋矣

郭子註莊  
齊物論

盲人以杖撻地而求道雖用白日無異夜行夜行之義

面牆之論也

楊子法言  
註吾子篇

宋之愚人得燕石於梧屋之側藏之以為大寶周客聞  
而觀焉主人齋七日端冕玄服以發寶華墮十重巾十  
襲客見俯而掩口盧胡而笑曰此特燕石也其與瓦甃  
不殊主人大怒曰商賈之言醫匠之心藏之愈固守之

彌謹

文選應璩  
百一詩註

穿窬之徒不避腰領奔北之士不憚斧鉞

意林  
正部

妄進者若卵投石逃誅者若走赴深

意林物  
理論

北山愚公者年且九十面山而居懲北山之寒出入之  
迂也遂率子孫荷擔扣石墾壤箕畚運於北海之尾河  
曲智叟笑而止之愚公長息曰雖我之死有子在焉子  
又生孫孫又生子子又生孫孫孫子子無窮匱也而山  
不加增何苦不平河曲智叟無以應之

太平御覽  
宗親部孫

希見食笋歸煮竹根

太平御覽  
竹部竹上

房麗者趙之賢人立東門之外有行商車轄亡麗告之  
悟復更告商人怒曰吾轄自亡何須汝告惠加於已而  
反怒之吾欲比之草木草木有心矣

太平御覽車  
部敘車下

鄭人有逃暑於孤林之下者日流影移而徙衽以從陰  
及至暮反席於樹下及月流影移復徙衽以從陰而患  
露之濡於身其陰逾去而其身逾濕是巧於用晝而拙  
於用夕奚不處曜而辭陰反林自露此亦愚之至也

太平

御覽人事

部真愚

盤石千里不為有地愚人千億不為有民

太平御覽人事部真愚

譬如愚人生便無目雖有光明終不覩見

海空智藏經普說品

如生育人不識乳色便問他言乳色何似他人答言乳色白如貝盲人復問是乳色者如月聲邪答言不也復問貝為何似邪答言如稻米味盲人復問乳色柔軟如稻米味邪稻米味者復何所似答曰如雪盲人復言彼米味者冷如雪邪雪復何似答言猶如白鶴是生盲人

雖聞如是譬喻終不能得識乳真色

元陽妙經卷二

譬如愚人畏於天地而欲走避所至之處不離天地

大乘

妙林經

譬如有人欲觀香象身量大小形顯勝劣得而不觀反

尋其跡

波羅密多經卷五百四十六

貧窮下劣諸有情類豈貪輪王所有輪寶象寶馬寶珠  
寶女寶主藏臣寶主兵將寶及餘種種上妙衣服末尼  
真珠金銀珊瑚大琉璃等多價財寶彼貧窮人設遇獲

得自懷慙耻不能受用設復轉賣不知價直所索至微  
隨酬便與或由於寶無鑒別故心便厭賤而棄捨之當  
知彼貧窮者非唯不了寶之價直亦復不知寶之名字

波羅蜜多經卷  
五百九十四

譬若男子大饑得百味之食不肯食之便食六十味之

食

道行波羅  
蜜經卷四

譬若男子得象觀其脚是男子為黠不

道行波羅  
蜜經卷四

譬如愚夫於四月中服蘇患渴尋詣他所求水而飲他

人謂曰汝已服蘇勿復飲水而致命終是時愚夫瞋敵

心故毀咎罵詈不順他言飲水而死

大寶積經卷二

無智隨順諸煩惱如人癡負怨家行

大寶積經卷六十八

譬如盲人至大寶洲若行若住若坐若卧不能得見一

切衆寶以不見故不能採取

大方廣佛華嚴經卷六十

譬如人卧出於夢中見所有金銀珍寶父母兄弟妻子

親屬知識相與娛樂喜樂無量其覺已為人說之後自

淚出念夢中所見

般若三昧經卷上



猶如白羊頑駭很弊

大集賢疏  
經卷三

有牧牛者愚癡無慧夏末秋初不善觀察恒水此岸亦不善觀察恒水彼岸而驅羣牛峻岸而下峻岸而上中

間洄瀆多起患難

雜阿含經  
卷四十七

如拙取水涵泉揚泥

法句經  
篤信品

命盡怙親如盲守燈

法句經  
道行品

昔有一人多牧羣牛捨已羣牛數他羣牛以為已用已所有牛或遇惡獸或牛草野日有損耗不自覺知便為

衆人所見嗤笑世之愚惑莫甚於鄉認他羣牛以為已

有

出曜經四  
無放逸品

昔有一人貧窮困乏多負人債無以可償即便逃避至  
空曠處值篋滿中珍寶有一明鏡著珍寶上以蓋覆之  
貧人見已心大歡喜即便發之見鏡中人便生驚怖又  
手語言我謂空篋都無所有不知有君在此篋中莫見  
瞋也

百喻經  
卷上

譬如估客遊行商賈會於路中而駝卒死駝上所載多

有珍寶細軟上氈種種雜物駝既死已即剝其皮商主  
捨行坐二子弟而語之言好看駝皮莫使濕爛其後天  
雨二人頑癡盡以好氈覆此皮上氈盡濕爛皮氈之價  
理自懸殊以愚癡故以氈覆皮

百喻經  
卷上

譬如有人因其饑故食七枚煎餅食六枚半已便得飽  
滿其人恚悔以手自打而作是言我今飽足由此半餅  
然前六餅唐自捐棄設如半餅能充足者應先食之

百喻

經卷  
上

昔有愚人生食胡麻子以為不美熬而食之為美便生  
念言不如熬而種之後得美者便熬而種之永無生理

百喻經

卷上

昔有一人為王所鞭既被鞭已以馬屎傳之欲令速差  
有愚人見之心生歡喜便作是言我快得是治瘡方法  
即便歸家語其兒言汝鞭我背我得好法今欲試之兒  
為鞭背以馬屎傳之以為善巧

百喻經  
卷上

有人癡無智慧極渴渴湏水見熱時燄謂為是水即便逐

走至新頭河既至河所對視不飲傍人語言汝患渴逐水今至水所何故不飲愚人答言若可飲盡我當飲之此水極多俱不可盡是故不飲

百喻經  
卷上

昔有人乘船度海失一銀盃墮於水中即使思念我今畫水作記捨之而去後當取之行經二月到師子諸國見一河水便入其中覓本失盃諸人問言欲何所作答言我先失盃今欲覓取問言於何處失答曰初入海失又復問言失經幾時言失來二月問言失來二月云何

此覓答言我失孟時畫水作記本所畫水與此無異是故覓之亦如外道不修正行相似善中橫計苦因以求解脫猶如愚人失孟於彼而於此覓

百喻經  
卷上

譬如裸人自言我著天衣

大智度論  
卷六十七

如狗患頭瘡蛆蟲所啖食良醫用油治既不識他恩反更向醫吠佛以禪定油熱以智威德除我結使蟲我為無明盲不知為益已

大莊嚴經  
論卷十偈

譬如盲子採珠懷赤菽而反以為獲寶聾賓聽樂聞驢

鳴而悅用為知音

弘明集駁夷夏論

有似行乎層雲之下而不信日月者也

弘明集明佛論

守膏盲而不悟進良藥而不御而受禍臨死之日更多

咎聖人深恨良醫非徒東走其勢投奔矣

弘明集正証論

習近五塵流轉三界黏外道之羈貫天魔之杖於是永

淪苦海長墜嶮獄

法苑珠林卷八十四

著指求月守株求兔尚疑駝馬寧分菽麥雖知歡笑將

鶯鶯而不殊徒識語言與狴狴而不異

法苑珠林卷八十五

衆生迷於少樂而不覺衆苦猶以芥子置於山頂唯見

芥子而不覩大山也

羅什譯摩詰經方便品

不悟

貪惡之人見道聽之言則應答之見誦詩書之言則冥

卧如醉

鄭氏箋詩桑采

昔者有鳥止於魯郊魯君說之為具太牢以饗之奏九韶以樂之鳥乃始憂悲眩視不敢飲食此之謂以已養養鳥也若夫以鳥養養鳥者宜棲之深林浮之江湖食



之以委蛇則平陸而已矣今休歎啓寡聞之民也吾告以至人之德譬之若載鸞以車馬樂鵠以鐘鼓也彼又

惡能無驚乎哉

莊子達生

老聃曰胡不直使彼以死生為一條以可不可為一貫

者解桎梏其可乎無趾曰天刑之安可解

莊子德充符

五色為有目者施故無目不可得而示其五色五音為

有耳者作故無耳不可得告其五音

鬼谷子權篇註

銳毛為毫夏落秋生言君用纔邪日以漸染隨之變化

而不自知若秋毫更生其容微眇而日長大也

王逸註  
楚辭七

諫

惟此是喻而終莫悟是觀泰山崇崛而謂元氣不浩芒

者也

湛張註列  
子仲尼

今語俗人云理中四順可以救霍亂欬冬紫苑可以治  
欬逆雀蘆貫衆之熟九蟲當歸芍藥之止絞痛秦膠獨  
活之除人風芎藭蒲乾薑之止痺濕菟絲蓰蓉之補虛乏  
甘遂葶歷之逐痰癖括樓黃連之愈消渴薺芩甘草之

解百毒蘆如益熱之護衆創麻黃大青之主傷寒俗人

猶為不然也

抱朴子內篇至理

夫聰之所去則震雷不能使之聞明之所棄則三光不能使之見豈輶磻之音細而麗天之景微哉而聾夫謂之無聲焉聾者謂之無物焉又况絃管之和音山龍之綺祭安能賞克諧之雅韻暉暉之鱗藻哉故聾聾在乎形器則不信豐隆之與玄象矣而况物有微於此者乎暗昧滯乎心神則不信有周孔於在昔矣况告之以神

仙之道乎

抱朴子內篇論仙

況長生之事世所希聞乎望使必信是令蚊虻負山與

井蜎論海也

抱朴子內篇論仙

其事雖天之明而人處覆甑之下焉識至言哉

抱朴子內篇論

仙

盛陽不能榮枯朽上智不能移下愚書為曉者傳事為識者貴農夫得彤弓以驅鳥南夷得袞衣以負薪夫不

知者何可強哉

抱朴子內篇金丹

俗有聞猛風烈火之聲而謂天之冬雷見遊雲西行而

謂月之東馳人或告之而終不悟

抱朴子內篇塞難

勛華不能化下愚故教不行於子弟辛癸不能改上智

故惡不染於三仁

抱朴子外篇博喻

不知至言之極妙而以為狂而不信此知之聾盲也

郭子

註莊逍遙遊

夫投人夜光鮮不案劍者未達故耳今回之德信與其  
不爭之名彼所未達而強以仁義準繩於彼彼將謂回

欲毀人以自成也

郭子註莊  
人間世

大聲非委巷所尚俗人得嘖曲則同聲動笑此天下所

以未嘗用聖而嘗自用也

郭子註  
莊天地

夢飲酒者旦而哭泣夢哭泣者旦而田獵方其夢也不  
知其夢也夢之中又占其夢焉覺而後知其夢也且有  
大覺而後知此其大夢也而愚者自以為覺竊竊然知  
之君乎牧乎固哉

莊子齊  
物論

是猶對牛鼓簧耳彼竟不明故已之道術終於昧然也

郭子註莊

齊物論

雷風非不烈不能動聾瞶聖教非不服不能化頑嚚

揚子

法言註

問明篇

世俗不悟求僊而怨天施之偏又歎浮生之促類潛穎

怨青陽之晚臻陵苔哀素秋之早至也

李善註文選郭景純遊僊詩

凡人心是所學體安所習鮑肆不知其臭翫其所以先

入

文選東京賦

濁者不信淵之清而甘濯其濁矣

意林化清經

幽隱長夜未覩山北之燭沈迷遠路詎見司南之機

藝文

類聚內典

部寺碑

慧日已照而大夜莫曉香雨時流而深塵未息

藝文類聚內典

部寺

碑

眇眇世羅無能免其一目汎汎慾網孰敢解其三面

藝文

類聚內典

部寺碑

蠕蠕

而蠢切

之民昔來號為頑嚚每來抄掠駕犛牛奔遁

驅犛牛隨之犛牛不能前異部人教其以犛牛易之者



蠕蠕曰其母尚不能行而况其子終於不易遂為敵所

虜

太平御覽  
人事部癡

胡人見錦不信有蟲食樹吐絲所成者在江南不信有

千人氈帳及來河北不信有萬石舟船

太平御覽  
資產部蠶

天老謂黃帝曰太陽之草名黃精餌之可以長生太陰之草名鈎吻入口立死人信鈎吻之殺人不信黃精之

益壽不亦惑乎

事類賦草  
部草註

譬如瘖瘂者不能傳人言為聾聵宮商其人豈能聞

西昇

經

譬如日月秉天普照而盲者不覩非日月不照又如大地能生隨緣而種皆得果實而愚者不種非地不生

无上

內秘藏經辨相明部褒品

譬如惡子不受師長父母教誨無惡不造

海空智藏經持誡品

亦如孩童性愛戲弄父母約束或得餉時從以誨示心

終不轉或加慍捷亦不能悟

玉清經通濟幽冥品

此又晨蟬之語歲夢蝶之議覺乎

波羅蜜多經卷五百三十八

彼如生育不見衆色嬰兒七日不見日輪

波羅蜜多經卷五百六十

七

譬如惡馬不受被甲若同良馬為被甲者反生驚怖

大寶

積經

卷二

譬如有人癡狂心亂為作音樂不能了知

大集地藏十輪經卷六

譬如跋陀愁愚癡之子有人與滿手梅檀香不肯受之

反謂與之不淨梅檀香貨主語其人言此梅檀香卿莫

謂不淨乎且取嗅之知香不試視之知淨不癡人閉目

不視不肯齟

般舟三昧經卷上

譬如人到大海名珍寶摩尼處其價不可計數其人於珍寶中住而不知摩尼珠價若有一人謂其住寶中者今在是中寧知摩尼處不其人反言不曉所以者何其人不知摩尼珠故

文殊師利問著薩署經悲八

譬如有人從生而盲不識五色青黃赤白麤細長短亦不見日月星象丘陵溝壑有人問言青黃赤白五色云盲人答曰無有五色如是麤細長短日月星象山陵溝

壑皆言無有

長阿舍  
經卷七

時有一人好喜養猪詣他空村見有乾糞尋自念言此處饒糞我猪豚饑今當取草裏此乾糞頭戴而歸即尋取草裏糞而戴於其中路逢天大雨糞汁流下至於足跟衆人見已皆言狂人糞塗臭處正使天陰尚不可戴况於雨中戴之而行其人方怒逆罵詈言汝等自癡不知我家猪豚饑餓汝若知者不言我癡

長阿舍  
經卷七

譬如路側清涼池水香味具足有人以毒著中陽春之

月諸行路者風熱渴逼競來欲飲有人語言士夫此是  
清涼池色香味具足然中有毒汝等勿飲若當飲者或  
令汝死或近死苦而彼渴者不信而飲雖得美味湏臾  
或死或近死苦

雜阿含經  
卷十二

生盲之人本自不見青黃赤白細鈔麤惡長短色相便  
作是言本無如是青黃赤白細鈔麤惡長短色相

大正  
句王

經上

是諸衆生不知正法微鈔之味如鳥不知蓮華之味

本  
緣

經持王

子品

猶如一趣之道有大火坑行人經過先不諳道明者指授語行人曰中道有大火坑不得經過卿等可於此息意勿復前行諸人意勇不信其語各共進前皆墮火坑受痛甚苦號天喚呼悔亦無及

出曜經  
八行品

昔有居士誠勅家人以雉為食先持雉肉著釜中然後方覓火爨之不覺有蛇來墮於釜中煮之居士食法要當問師師曰此不可食不從師教遂便食之經宿蛇毒

內發方更問師師曰不從我命知當如何

出曜經  
八行品

如人以指指月以示惑者惑者視指而不視月人語之

言我以指指月令汝知之汝何看指而不視月

大智度  
論卷九

譬如金寶盲者不識

大智度論  
卷五十七

如良醫知病說藥服與不服非醫咎也又如善導導人

善道聞之不行非導過也

遺教經論  
離十二

工輪能與人斧斤繩墨而不能使人巧聖人能授人道

不能使人履而行之也臯陶能罪盜人不能使貪夫為



夷齊五刑能誅無狀不能使惡人為魯閔堯不能化丹  
朱周公不能訓管蔡豈唐教之不著周道之不備哉然

無如惡人何也

弘明集卷  
子理惑論

若說佛經之語談無為之要譬對盲者說五色為聾者  
奏五音也師曠雖巧不能彈無絃之琴孤貉雖煇不能  
熱無氣之人公明儀為牛彈清角之操伏食如故非牛  
不聞不合其耳矣轉為蚊蚋之聲孤犢之鳴即掉尾奮

耳蹠蹠而聽

弘明集卷  
子理惑論

夫淳曦麗天，矇眊莫鑒其色；雷霆駭地，聾夫弗聆其響者，蓋機感之絕也。作暴亮，跖孔智，無以遏其心，結憤野。

夫賜辯，莫能蠲其忿；亦情性之殊也。

辨正論  
卷六

九土區分，四生殊俗；昏波易染，慧業難基。久復愛河，長

流苦海，不生意樹，未啓心燈。

法苑珠  
林卷八

夫迷其流者，則澄愛河而清五濁；失其宗者，則震邪山

而起三障。

法苑珠林  
卷六十八

兩失

六五以羈旅之身進居貴位其位終不可保譬之射雉  
惟有一矢射之而復亡失其矢其雉終不可得

周易正義旅

蚡子曰天下有有其實而無其名者商人是也無把鉞  
推耨之勢而有積粟之實此有其實而無其名者也無  
其實而有其名者農夫是也解凍而耕暴背而耨無積  
粟之實此無其實而有其名者也無其名又無其實者  
王乃是也已立為萬乘無孝之名以千里養無孝之實

戰國策秦

始皇帝

譬若衣敗壞一以相補猶有所完若不如是將兩無所

保

後漢書虞  
詡列傳

凡黃白之在馬猶親踈之在人私親而背踈則踈者叛

矣踈者離叛則親不能獨存矣

公孫龍子  
白馬論註

負子而登牆謂之不祥為其一人隕而兩人殤

淮南子  
說林訓

騎豚逐羊不見所望徑涉虎廬亡豚失羊

焦氏易林  
賁之中孚

逐金出門并失玉几

焦氏易林  
復之噬嗑

無為握無形之風捕難執之影索不可得之物行必不

到之路棄榮華而涉苦困釋甚易而攻至難有似喪者

之逐遊女必有兩失之悔

抱朴子內篇論仙

所謂進不得邯鄲之步退又失壽陵之義者也

抱朴子內篇雜

應

動則不能龍攄虎超同機伊霍靜則不能珠潛璧匿連

光巢許

廣文選伏公表與阮步兵書

董仲舒學見深而天才鈍以蜉蝣是神龍者非但不識

神龍亦不識蜉蝣

意林抱朴子

譬如壞瓶多諸瑕隙盛油乳等盡皆滲漏能盛所盛二俱壞失所以者何器有失故

大集地藏十輪經卷六

昔雪山中有鳥名為共命一身二頭一頭常食美果欲使身得安隱一頭便生嫉妬之心而作是言彼常云何食好美果我不曾得即取毒果食之使二頭俱死

離寶藏經

卷三

譬如人和毒藥自飲亦復行飲人身自苦亦復苦他人

身

那先比丘經卷中

昔有一人事湏火用及以冷水即便宿火以澡盥盛水  
置於火上後欲取火而火都滅欲取冷水而水復熱火  
及冷水二事俱失世間之人亦復如是入佛法中出家  
求道既得出家還復念其妻子眷屬世間之事五欲之  
樂由是之故失其功德之火持戒之水

百喻經  
卷上

昔有二估客共行商賈一賣真金其第二者賣毘羅錦  
有他買真金者燒而試之第二估客即便偷他被燒之  
金用毘羅錦裏時金熱故燒錦都盡情事既露二事俱

失

百喻經  
卷上

昔有二人共種甘蔗而作誓言重好者賞其不好者當  
重罰之時二人中一者念言甘蔗極甜若壓取汁還灌  
甘蔗樹甘美必甚得勝於彼即壓甘蔗取汁用溉冀望  
滋味反敗種子所有甘蔗一切都失世人亦爾欲求善  
福恃已豪貴專形挾勢迫脅下民陵奪財物以用作福  
本期善果不知將來反獲其殃如壓甘蔗彼此都失

百喻

經卷  
上



昔有一人先甕中盛穀駱駝入頭甕中食穀後不得出  
既不得出以為憂惱有一老人來語之言汝莫愁也我  
教汝出汝用我語必得速出汝當斬頭自得出之即用  
其語以刀斬頭既復殺駝而復破甕

百喻經  
卷下

昔有一獼猴持一把豆誤落一豆在地便捨手中豆欲  
覓其一未得一豆先所捨者雞鴨食盡

百喻經  
卷下

昔有二人為伴共行曠野一人披一領氎中路為賊所  
剝一人逃避走入草中其失氎者先於氎頭裏一金錢

便語賊言此衣適可值一枚金錢我今求以一枚金錢而用贖之賊言金錢今在何處即便斃頭解取示之而語賊言此是真金若不信我語今此草中有好金師可往問之賊既見已復取其衣如是愚人斃與金錢一切

都失

百喻經  
卷下

譬如一師有二弟子其師患脚遣二弟子人當一脚隨時按摩其二弟子常相憎嫉一弟子行其一弟子捉其所當按摩之脚以石打折彼既來已忿其如是復捉其

人所按之脚尋復打折佛法學徒亦復如是方等學者非斥小乘小乘學者復非方等故使大聖法典二途兼

忘

百喻經  
卷下

譬如電墮害穀電自消滅

大智度論  
卷四十三

譬如救溺自不能浮而欲濟彼二俱不免

大智度論  
七十七

昔有二毗舍闍鬼共有一篋一杖一屐二鬼共諍各欲得二二鬼紛紜竟日不能使平時有一人來見之已而問之言此篋杖屐有何奇異汝等共諍瞋忿乃爾二鬼

答言我此篋者能出一切衣服飲食牀褥卧具資生之物盡從中出執此杖者怨敵歸伏無敢與諍者此履者能令人飛行無有罣礙此人聞已即語鬼言汝等小遠我當為爾平等分之鬼聞其語尋即遠避此人即時抱篋捉杖躡屐而飛二鬼愕然竟無所得人語鬼言爾等所諍我已得去今使爾等更無所諍

法苑珠林卷四十五

昔有婦人富有金銀與男子交通盡取金銀衣物相遂俱去到一急水河邊男子語言汝持財物來我先度之

當還迎汝男子度已便走不還婦人獨住水邊憂苦無  
人可救唯見一野狐捕得一鷹復見河魚捨鷹拾魚  
既不得復失本鷹婦語狐曰汝何太癡貪捕其兩不得  
其一狐言我癡尚可汝癡劇我也

法苑珠林  
卷五十四

喻林卷六十

欽定四庫全書

喻林卷六十一

明 徐元太 撰

君道門一

履運

九五飛龍在天利見大人

易乾

飛龍在天大人造也

易乾

飛龍在天上治也

易乾

飛龍在天乃位乎天德

易乾

時乘六龍以御天也雲行雨施天下平也

易乾

同聲相應同氣相求水流濕火就燥雲從龍風從虎聖人作而萬物覩本乎天者親上本乎地者親下則各從

其類也

易乾

木上有火鼎君子以正位凝命

易鼎

原田之中有菽藿衆民能力采之者則得食之以興域中之有王位有德能勤治之者則得處之藿生原中非

有主位在域中非有常也

毛詩正義小宛



中遭傾覆龍德泥蟠今乘雲高躋盤桓天位誠所謂將

隆大位必先倥偬之也

後漢書張衡列傳

運陰陽而緯武應變之道如神吞日月以經天成物之

功若歲

晉書武昭王列傳

龍飛漠南鳳峙朔北長轡遠馭則西罩崑山之外密網

遐張則東絙滄海之表

晉書赫連勃勃傳

如彼日月連光接鏡

晉書赫連勃勃紀

夫日月麗天高明所以表德山嶽題地柔博所以成功

梁書武  
帝上紀

竊以嵩岳既峻山川出雲大國有蕃申甫惟翰

梁書元  
帝紀

日月貞明太陽不可以闕照天地貞觀乾道不可以久

惕

梁書元  
帝紀

夫惟天為大列晷宿而垂象謂地蓋厚疏山嶽以阜物

北齊書文

宣帝紀

惟皇御寓惟帝秉乾

隋書音  
樂志下

觀象則天乾元合其德觀法審地域大表其尊雨施雲

行四時所以生殺川流嶽立萬物於是裁成

隋書許善心傳

披金繩而握天鏡開玉匣而總地維

南史齊本紀上

夫有雲霧之勢而能乘遊之者龍蛇之材美之也今雲盛而螭弗能乘也霧濃而螭不能遊也夫有盛雲濃霧之勢而不能乘遊者螭之材薄也今桀紂南面而王天下以天子之威為之雲霧而天下不免乎大亂者桀

紂之材薄也

韓非子難勢

旋斗運樞順天無憂

焦氏易林謙之觀

日出溫谷照臨萬國

焦氏易林履之困

次五日正于天利以其辰作王測曰日正于天貴當位

也

太玄經第一中

夫風為號令雨為德惠故風動而草木搖雨降而萬物

殖故以風雨諭君言政令德惠所由出也

王逸注楚辭九辯

高祖從亭長提三尺劍取天下光武由白水奮威武海

內無尺土所因一位所秉直奉天命推自然此則起高

於淵濤為深於丘山也

王充論衡  
恢國篇

周以龍興秦以虎視

文選西都賦

夫黃河清而聖人生里社鳴而聖人出羣龍見而聖人

用

文選李蕭遠運命論

星迴日薄擊雷鞭電者之謂天岳立川流吐霧蒸雲者之謂地包天地之混成洞陰陽之不測而以財成萬物

者其在聖人乎

藝文類聚帝王部梁元帝表

譬若麟龍發足羣獸追蹤鸞鳳舉翼衆鳥隨風

藝文類聚儲官

部儲

官表

日圓盈尺尺光滿天下聖人居高明燭彌綸六合

太平御覽

天部

三上

日在井中不能燭遠目在足下不可以視君之有國猶

天之有日居不高則不明視不尊則不遠

太平御覽治道部治政一

如轉輪王將登大位於白半月十五日晨沐浴受齋至

大殿上昇師子座面東面坐有大輪寶從空而來當知

彼王受轉輪位不久當得具足七寶

波羅蜜多經卷六百

七支者一有君德天下仰戴如人之首二有輔臣左右

忠良如人之臂三有國境寬富包容如人之腹四有險  
固囊結萬方如人之齋五有倉庫財食充盈所往無難  
如人之胫六有兵威士馬精銳制動由已如人之脛七  
有隣境貢賦以時往復王命如人之足

大方廣佛華嚴經卷十一

### 脩德

地勢坤君子以厚德載物

易坤

明兩作離大人以繼明照于四方

易離

明出地上晉君子以自昭明德

易晉

九五井冽寒泉食

易井

若日月之照臨光于四方顯于西土

書泰誓下

至治馨香感于神明黍稷非馨明德惟馨

書君陳

价人維藩大師維垣大邦維屏大宗維翰懷德維寧宗

子維城無俾城壞無獨斯畏

詩大雅板

華或有黃者或有白者興明王之德時有駸而不純

鄭氏箋詩棠棠者華

藿生原中非有主也以喻王位無常家也勤於德者則

得之

鄭氏箋詩小宛



東方之日兮猶言明盛之君今日出東方無不鑒照喻

君德明盛無不察理

毛詩正義  
東方之日

人情者聖王之田也修禮以耕之陳義以種之講學以

耨之本仁以聚之播樂以安之

禮記  
禮運

湯之盤銘曰苟日新日日新又日新

大學

不厚其棟不能任重重莫如國棟莫如德

國語  
魯

夫仁義者治之門士民者君之根本也閭門固根莫如

正身

趙絕外  
傳計倪

其仁如天其知如神就之如日望之如雲

史記五帝紀

凡有天下治為萬民命者蓋之如天容之如地

史記呂氏紀

與之乎斟酌道德之淵源有數仁義之林藪以望元符

之臻焉

後漢書班固列傳

聖人升高據上則以德義為首涉危蹈傾則以賢者為力唐堯以德化為冠冕以稷契為筋力高而益崇動而

愈據

後漢書黃瓊列傳

比日之明如天之大

隋書音義

樂中志

身不善之母患人莫已知丹青在山民知而取之美珠  
在淵民知而取之是以我有過為而民無過命民之觀  
也察矣不可遁逃

管子  
小稱

聖人之在天下怵怵為天下渾其心百姓皆注其耳目

聖人皆孩之

老子  
任德

王鈇非一世之器者厚德隆俊也

鵬冠子  
博選

夫耀蟬者務在明其火振其樹而已火不明雖振其樹  
無益也今人主有能明其德則天下歸之若蟬之歸明

火也

荀子  
致仕

堯無膠漆之約於當世而道行舜無置錐之地於後世

而德結

韓非子  
安危

樹木有曼根有直根根者書之所謂抵也抵也者木之  
所以建生也曼根者木之所以持生也德也者人之所  
以建生也祿也者人之所以持生也今建於理者其持  
祿也久故曰深其根體其道者其生日長故曰固其抵

韓非子  
解老

德也者萬民之宰也月也者羣陰之本也月望則蚌蛤

實羣陰盈月晦則蚌蛤虛羣陰虧夫月形乎天而羣陰

化乎淵聖人形德乎已而四荒咸飭乎仁

呂氏春秋精通

嘗得學黃帝之所以誨顓頊矣爰有大圜在上大矩在

下汝能法之為民父母

呂氏春秋序意

立事者不離道德調絃者不失宮商

陸子術事

水廣者魚大山高者木修廣其地而薄其德譬猶陶人

為器也操挺其土而不益厚破乃愈疾

淮南子說山訓

齊閔王得宿瘤女宮中諸夫人皆掩口而笑左右失貌不能自止王大慚曰且無笑不飾耳夫飾與不飾固相去十百也女曰夫飾相去千萬尚不足言何獨十百也王曰何以言之對曰性相近也習相遠也昔者堯舜桀紂俱天子也堯舜自飾以仁義雖為天子安於節儉茅茨不剪采椽不斷後宮衣不重采食不重味至今數千歲天下歸善焉桀紂不自飾以仁義習為苛文造為高臺深池後宮蹈綺縠弄珠玉意非有饜時也身死國亡

為天下笑至今千餘歲天下歸惡焉由是觀之飾與不

飾相去千萬尚不足言何獨十百也

列女傳周列國齊宿瘤女

次五天門大開恢堂之階或生之差測曰天門大開德

不能滿堂也

太玄經第四廓

次三日常其德三歲不食測曰日常其德君道明也

太玄

經第

四常

次五靈囊大包其德珍黃測曰靈囊大包不敢自盛也

太玄經

第六訓

次五黃心在腹白骨生肉孚德不復測曰黃心在腹上

德天也

太玄經  
第六卷

天子之德光明如日規輪如月衆輝如星霑潤如海太  
子皆比德焉故云重爾

古今  
注

泰山以崔嵬之故能生養百卉明君以崇高其德故為  
萬姓所尊也

前漢書注  
禮樂志

地雖生萬物日出於上其功乃著故君子法之而以明

自照其德

玉海周易  
鄭康成注



敬畏

洊雷震君子以恐懼脩省

易震

震不于其躬于其鄰无咎

易震

无有師保如臨父母

易繫辭  
下傳

予臨兆民懍乎若朽索之馭六馬

書五子  
之歌

慄慄危懼若將隕于深淵

書湯  
誥

心之憂危若蹈虎尾涉于春冰

書君  
牙

玩人喪德玩物喪志

書旅  
焚

以人為戲弄則喪其德以器物為戲弄則喪其志

孔氏傳書

旅藝

兢兢業業如霆如雷

詩大雅雲漢

局蹐者天高而有雷霆地厚而有陷淪也

鄭氏箋詩正月

故上者辟如緣木者務高而畏下者滋甚六馬之離必於四面之衢民之離道必於上之佚政也故上者尊嚴

而絕百姓者卑賤而神

大戴禮記子張問入官

災異皇天所以譴告人君過失猶嚴父之明誠

前漢書谷永傳

譬天位於乘奔以虎尾為警戒

吳志賀邵傳

其懼患也若無轡而乘奔其慎禍也猶履冰而臨谷

宋書

傳亮

如彼在泉臨深是懼如彼覆車望途改步

魏書宗欽傳

中期對秦王曰王之料天下過矣昔者六晉之時智氏最強滅破范中行又帥韓魏以圍趙襄子於晉陽決晉水以灌晉陽城不沈者三板耳智伯出行水韓康子御魏桓子驂乘智伯曰始吾不知水之可亡人之國也乃

今知之汾水利以灌安邑絳水利以灌平陽魏桓子肘  
韓康子康子履魏桓子躡其踵肘足接於車上而智氏  
分矣身死國亡為天下笑今秦之強不能過智伯韓魏  
雖弱尚賢其在晉陽之下也此乃方其用肘足時也願  
王之勿易也

戰國策秦  
昭襄王

乘舟舟漏而弗塞則舟沉矣塞漏舟而輕陽侯之波則  
舟覆矣今公自以為辨於薛公而輕秦是塞漏舟而輕

陽侯之波也

戰國策  
韓襄王

若涉淵水未知所濟

前漢書  
武帝紀

致冰匪霜致隊匪嫚瞻惟我王昔靡不練

前漢書  
韋賢傳

若涉巨川罔知所憑

晉書賀  
循傳

然白龍魚服有豫且禍之海若潛游罹葛陂之酷深願

陛下清宮蹕路思二神為元鑒不可忽天下之重輕行

斤斧之間

晉書石季  
龍上傳

古者有二言牆有耳伏寇在側牆有耳者微謀外泄之

謂也伏寇在側者沉疑得民之道也

管子君  
臣下

違天而黜明神則殛之雖大必折雖炎必撲

子華子晏子

昔之登高者下人代之倭手足為之汗出而上人乃始搏折枝而趨操木止之者僂是故天下寒心而人主孤

立

鵬冠子備知

明君之御民若御奔而無轡履冰而負重

鄧析子轉辭篇

勿輕小事小隙沉舟勿輕小物小蠱毒身勿輕小小人

人賊國

閻尹子九藥

齊宣王問弋於唐易子曰弋者奚貴唐易子曰在於謹

廩王曰何謂謹廩對曰鳥以數十目視人人以二目視  
鳥奈何其不謹廩也故曰在於謹廩也然則為天下何  
以為此廩今人主以二目視一國一國以萬目視人主  
將何以不自為廩乎

韓非子外  
儲說右上

君子之居民上若以腐索御奔馬若屨薄氷蛟在其下  
若入林而遇乳虎

淮南子  
說林訓

夫流深者其水不測尊至者其敬無窮是故天之所加

雖為災害猶承而大之

春秋繁  
露奉本

天子父母事天而子孫畜萬民民未偏飽無用祭天者

是猶子孫未得食無用食父母也言莫逆於是

春秋繁露郊祭

子貢問治民於孔子孔子曰懔懔焉如以腐索御奔馬

子貢曰何其畏也孔子曰夫通達之國皆人也以道導

之則吾畜也不以道導之則吾讐也若何而毋畏

說苑政理

闕

龍翰于天貞栗其鱗測曰龍翰之栗極懼墜也

太玄

經第三應

是以九重之臺雖高必壞故仰高者不可忽其下瞻前



者不可忽其後

武侯十六策思慮

浮滄海者必精占於風氣故保利涉之福善治政者必

戰戰於得失故享惟永之慶

抱朴子外篇廣譽

且夫挈鉞之智守不假器况纂帝業而輕天位

文選東京賦

常翹翹以危懼若秉奔而無轡

文選東京賦

白龍魚服見困豫且雖萬乘之無懼猶怵惕於一夫

文選

東京賦

戒出豕之敗御惕飛鳥之跼衡故祇慎乎所常敬備乎

所未防

文選  
白馬賦

念負重於春冰懷御奔於秋駕

文選  
王融  
曲水詩序

太公曰黃帝云余在民上摇摇恐夕不至朝故金人三

緘其口慎言語也堯居民上振振如臨深淵舜居民上

兢兢如履薄冰禹居民上慄慄如恐不滿湯居民上翼

翼恐不敢息道自微而生禍自微而成慎終與始完如

金城

意林  
太公金匱

堯曰余坐華殿之上森然而松生於棟余立櫺扉之內

霏焉而雲生於牖雖面雙闕無異乎崔巍之冠蓬萊雖

背墉郭無異乎迴巖之紫崑崙余安知其所以安

藝文類聚

帝王部  
陶唐氏

若涉海之無涯懼湮沒於洪流

藝文類聚人部言語賦

目矐耳鳴近夫小戒也孤鳴犬嗥家人小祆也猶忌慎  
動作封鎮書符以防其禍是故天地示異災變橫起則

人主恒恐懼而修政

太平御覽人事部鑒戒下

冠銘曰居高無忘危在上無忘敬懼則安敬則正

困學紀聞

卷二十

雜識

事親如奉神履民如臨深

道德經指  
歸卷七

誠始慎終是君子之鹽梅敬初護末是養生之要趣

法苑

珠林卷

四十六

廣大

德大則無所不容財多則無所不濟

周易正義

柳木茂盛則多蟬淵深而旁生萑葦言大者之旁無所

不容

鄭氏箋  
詩小弁

椒之氣日益遠長似桓叔之德彌廣博

鄭氏箋  
詩椒聊

然此蕭是香物之微者天不以其微而不潤也喻四海

諸侯乃國君之賤者王不以其賤而不及也

毛詩正  
義蓼蕭

有莞然而茂者彼柳木也此柳由茂故上有鳴蟬其聲

嚶嚶然有灌然而深者彼淵水也此淵由深故傍萑葦

其衆淠淠然柳木茂而多蟬淵水深而生葦是大者之

傍無所不容

毛詩正  
義小弁

故其事大配乎天地參乎日月雜於雲霓總要萬物穆

穆純純其莫之能循若天之司莫之能職

大戴禮記哀公問五義

源泉不竭故天下積也而木不寡短長人得其量故治

而不亂

大戴禮記子張問入官

川澤納汙山藪藏疾瑾瑜匿瑕國君含垢天之道也

左傳

宣公十五年

河出崑崙虛色白所渠并千七百一川色黃百里一小

山千里一曲一直

爾雅

維摩經曰以四大海水入一毛孔中不撓魚鼈等而彼

大海本相如故

後漢書西域傳論注

渾四游而幹五緯天道弘也振河海而載山川地道厚

也一情紀而合流貫人靈茂也

宋書顏延之傳

如山之大無不有也如谷之虛無不受也

北史魏收傳

苞物衆者莫大於天地化物多者莫多於日月民之所

急莫急於水火然而天不為一物枉其時明君聖人亦

不為一人枉其法天行其所行而萬物被其利聖人亦

行其所行而百姓被其利

管子白心

夫山澤廣大則草木易多也壤地肥饒則桑麻易殖也

薦草多衍則六畜易繁也

管子  
八觀

天之裁大故能兼覆萬物地之裁大故能兼載萬物人  
主之裁大故容物多而衆人得比焉故曰裁大者衆之

所比也

管子形  
勢解

天覆而無外也其德無所不在地載而無棄也安固而  
不動故莫不生殖聖人法之以覆載萬民故莫不得其

職

管子版  
法解



古之善為君者法江海江海無為以成其大容下以成

其廣故能長久為天下谿谷其德乃足

文子自然

江之源出於汶山其大如甕口其流可以濫觴順沿而下控諸羣荆廣袤數千里方舟然後可以濟此無他故也所受於下流者非一壑也

子華子虎會問

夫視入以為出庾氏之職業也操贏而制餘商賈子之所為也中人之家計口然后食閭里之志也乃若天子者大官也有天下者大器也臨萬品御萬民窮天之產

罄地之毛無有不共無有不備此則古今常尊之執也  
奈何而以閭里之所志商賈子之所為庾氏之職業仰  
而議夫堯舜之量哉

子華子晏  
子問黨

今指馬之百體而不得馬而馬係於前者立其百體而  
謂之馬也是故丘山積卑而為高江河合水而為大  
人合并而為公

莊子  
則陽

故海不辭東流大之至也聖人并包天地澤及天下而

不知其誰氏

莊子徐  
無鬼

江河不惡小谷之滿已也故能大聖人者事無辭也物  
無違也故能為天下器是故江河之水非一源也千鎰  
之裘非一狐之白也

墨子  
親士

天地不昭昭大水不滌滌大火不燎燎王德不堯堯者  
乃千人之長也其直如矢其平如砥不足以覆萬物是  
故谿狹者速涸逝淺者速竭磽确者其地不育

墨子  
親上

地大則有常祥不庭岐母羣抵天翟不周山大則有虎  
豹熊蟻蛆水大則有蛟龍鼃鼃鱣鮪商書曰五世之廟

可以觀怪萬夫之長可以生謀室中之無澤陂也井中之無大魚也新林之無長木也凡謀物之成也必由廣大衆多長久信也

呂氏春秋論大

兼包萬國一齊殊俗并覆百姓若令一族是非輻輳而

為之轂

淮南子主術訓

海內其所出故能大輻復其所過故能遠

淮南子說林訓

夫江河之腐胔不可勝數然祭者汲焉大也一杯酒白

蠅漬其中匹夫弗嘗者小也

淮南子要略訓

夫浸水之所及也則生其所不及則死故民皆知焉膏  
雨之所生也廣莫大焉民之受賜也普矣莫識其由來  
者上德不德是以無德

孔叢子  
雜訓

日月之明衆下仰之乾坤之廣萬物順之

武侯十六  
策治人

山小無獸水淺無魚樹弱無巢

武侯十六  
策陰察

夜舉燈燭光曜所及可得度也日照天下遠近廣狹難  
得量也浮於淮濟皆知曲折入東海者不曉南北故夫  
廣大從橫難數極深揭厲難測漢德鄴廣日光海外

欽定四庫全書

卷六十一

也

王充論衡  
須訟篇

東海廣且深由卑下百川五嶽雖高大不逆垢與塵良

木不十圍洪條無所因長者能博愛天下寄其身

曹子  
建當

欲避南

山行

五嶽巍峩不以藏疾傷其極天之高滄海滉漾不以含

垢累其無涯之廣故九德尚寬以得衆宣尼汎愛而與

進

抱朴子外  
篇博喻

乾坤陶育而庶物不識其惠者由乎其益無方也大人

神化而羣細不覺其施者由乎治之於未有也故可知

者小也易料者少也

抱朴子外篇博喻

繁林蔭蒼則羽族雲萃玄淵浩汗則鱗羣競赴德盛業

廣則宅心者衆舍瑕錄用即遠懷近集

抱朴子外篇博喻

陶朱白圭之財不一物者豐也雲夢孟諸所生萬殊者

曠也

抱朴子外篇博喻

深大之淵衆物所歸包裹而藏之無有方外

太玄經第四大解

山藪之有草木則毒害者居之川澤之形廣大則能受

於汙濁人君之善御下亦當忍恥病也

前漢書註  
路溫舒傳

山不厭高海不厭深周公吐哺天下歸心

文選魏武  
帝短歌行

行潦暴集江海不以為多鰭鯢並逃九罟不以為虛是

以許由匿堯而深隱唐氏不以衰夷齊恥周而遠餓文

武不以卑

文選王褒四  
子講德論

夫幽谷無私有至斯響洪鐘虛受無來不應

文選王少  
頭陀寺碑

文

君人者秉南面之位操殺生之柄威如秋霜恩如春養



何求而不得何化而不從人君當以江海為腹山林為面當使其觀者不知江海何藏山林何有

太平御覽皇王部敬皇王

上

人君以江海為腹山為面如此則下不知其量畏而懷

之

太平御覽人事部腹

通玄經曰狹者入大而迷近者行遠而惑

道德經四子集解

惚恍之羅設而無狀之網施

道德經指歸卷十二

譬如海水入一微塵是海水中蛟龍魚鼈安常如故亦

無迫迮

海空智藏  
經捨受品

猶如大海容納百川无增无減无穢無淨无心揀擇舍  
容一切金銀珠玉水晶琉璃磑磑磑磑珊瑚琥珀一切

珍寶無不包藏真道大藏亦復如是

大乘妙  
林經

譬如大地普能荷負一切草木花果藥樹皆悉平等

波羅

蜜多經卷五

百六十二

譬如風界行無邊境

波羅蜜多經卷  
五百九十七

又如風界以太虛空為所行境

波羅蜜多經卷  
五百九十七

猶如衆龍還雨大海不可別知滴數多少

阿差末菩  
薩經卷二

如日所照靡不周遍未曾增減

法華經  
卷六

大海之水無滿不滿

法華經  
尺一

### 端尚

戎狄豺狼不可厭也諸夏親暱不可棄也宴安酖毒不

可懷也

左傳閔  
公元年

狄人伐衛衛懿公好鶴鶴有乘軒者將戰國人受甲者

皆曰使鶴鶴實有祿位余馬能戰

左傳閔  
公二年

無德者寵國之釁也

杜氏解左傳  
桓公八年

諸侯之寶三土地人民政事實珠玉者殃必及身

孟子  
盡心

下

楚書曰楚國無以為寶惟善以為寶舅犯曰亡人無以

為寶仁親以為寶

大學

從善如登從惡如崩

國語  
周

圉聞國之寶六而已聖能制議百物以輔相國家則寶

之玉足以庇蔭嘉穀使無水旱之災則寶之龜足以憲

減不則寶之珠足以禦火災則寶之金足以禦兵亂則寶之山林藪澤足以備財用則寶之若夫譁囂之美楚

雖蠻夷不能寶也

國語  
楚

賢士邦之寶也美女邦之咎也

越絕內  
經九術

國有寶有器有用城郭險阻蓄藏寶也聖智器也珠玉

末用也先王重其寶器而輕其末用

管子  
樞言

墨子見染素絲者而嘆曰染於蒼則蒼染於黃則黃所以入者變其色亦變五入而以爲五色矣故染不可不

慎也非獨染絲紗也國亦有染舜染於許由伯陽禹染於臯陶伯益湯染於伊尹仲虺武王染於太公望周公旦此四王者所染當故王天下立為天子功名蔽天地舉天下之仁義顯人必稱此四王者夏桀染於羊辛岐踵戎殷紂染於崇侯惡來周厲王染於虢公長父榮夷終幽王染於虢公鼓祭公敦此四王者所染不當故國殘身死為天下僂舉天下之不義辱人必稱此四王者

呂氏春  
秋當染

窺赤肉而鳥鵲聚狸處堂而衆鼠散衰經陳而民知喪  
竿瑟陳而民知樂湯武修其行而天下從桀紂慢其行  
而天下畔豈待其言哉君子審在已者而已矣

呂氏春秋貴當

五穀養性而棄之於地球玉無用而寶之於身故舜棄

黃金於蘄嵒之上禹捐珠玉於五湖之淵

陸子街事

故其可憂者唯中主爾又以練絲染之藍則青染之緇  
則黑得善佐則存不得善佐則亡此其不可不憂者耳

賈子新  
書連語

昔者齊桓公好味而易牙烹其首子而餌之虞君好寶而晉獻以璧馬釣之胡王好音而秦穆公以女樂誘之是皆以利見制於人也故善建者不拔

淮南子  
主術訓

以鑿觀池之力耕則田野必辟矣以積土山之高修隄防則水用必足矣以食狗馬鴻鴈之費養士則名譽必榮矣以弋獵博奕之日誦詩讀書聞識必博矣

淮南子  
泰族訓

撓枉者過直救文者以質

鹽鐵論  
救匱

隋和之名寶也而不能安危存亡故喻德示威惟賢臣



良相不在犬馬珍怪是以聖王以賢為寶不以珠玉為寶昔晏子修之罇俎之間而折衝乎千里不能者雖隋

和滿篋無益於存亡

鹽鐵論崇禮

玩好亂目巧聲迷耳賊敗貞良君受其殃

焦氏易林困之賁

或曰刑名非道邪何自然矣曰何必刑名圍碁擊劍反自眩形亦皆自然也由其大者作正道由其小者作姦

道

揚子問道篇

梁惠王與齊威王田於郊威王問曰王亦有寶乎惠王

曰若寡人國小尚有徑寸之珠照車前後各十二乘者  
十枚奈何以萬乘之國而無寶乎威王曰寡人以為寶  
與王異吾臣有檀子者使守南城則楚人不敢為寇東  
取泗上十二諸侯皆來朝吾臣有盼子者使守高唐則  
趙人不敢東漁吾吏有黔夫者使守徐州則燕人祭北  
門趙人祭西門從而從者七千餘家吾臣有種首者使  
備盜賊則道不拾遺將以照千里豈特十二乘哉梁惠

王慙不懌而去

藝文類聚  
寶玉部寶

蘭蕙荃蘅植之近疇此亦寡人之所親賢也藜蓬臭蔚

棄之乎遠疆此亦寡人之所遠佞也

藝文類聚禮部藉田論

所貴惟賢所寶惟穀

太平御覽百穀部穀

金一兩生於境內粟十二石死於境外粟十二石生於

境內金一兩死於境外國好生金於境內則金粟兩死

倉府兩虛國弱好生粟於境內則金粟兩生倉府兩實

國強

太平御覽百穀部粟

今人主不思神芝朱草而患枇杷荔枝之腐亦鄙甚矣

太平御覽

果部荔枝

臣以為珍奇靡麗之物誠是玩弄之所寶然非經國之

至寶

太平御覽  
珍寶部寶

雖金玉滿堂明珠滿室飢不為寶非國之用

太平御覽  
珍寶部寶

齊景公謂晏子曰韓人既得寶千乘聚萬駟矣方欲珍

懸黎會金玉其得之耶奚若晏嬰曰臣聞琬琰之外有


烏馬曰金翅氏謂為羽豪其為烏也非龍肝不食非鳳

血不飲其食也常飢而不飽其飲也常渴而後充生未

幾何失其天年而死珠玉之珍非乃為君之患也

太平御覽

羽族部  
金翔鳥



喻林卷六十一

欽定四庫全書

子部

喻林卷六十二

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱忻

謄錄貢生臣陳昌敬

欽定四庫全書

喻林卷六十二

明 徐元太 撰

君道門

仁厚

麟之趾振振

音真

公子于

音吁

嗟麟兮

麟之定

音訂

振振公

姓于嗟麟兮

麟之角

叶虛谷反

振振公族于嗟麟兮

麟之趾

樛木后妃逮下也言能逮下而無嫉妬之心焉

毛詩

樛木

行葦忠厚也周家忠厚仁及草木

毛詩行葦



古者不風不暴不行火草木不折不操斧斤不入山林  
豺祭獸然後殺獺祭魚然後漁鷹隼擊然後罟羅設是  
以天子不合圍諸侯不掩羣大夫不麝不卵士不隱塞  
庶人不數苦苦必四寸然後入澤梁故山不童澤不竭  
鳥獸魚鼈皆得其所

毛詩魚  
麗註

麟角之末有肉示有武而不用

鄭氏箋詩  
麟之趾

木枝以下垂之故故葛藟也得累而蔓之而上下俱盛  
喻后妃能以意下逮衆妾使得其次序則衆妾上附事

之而禮義亦俱盛

鄭氏箋  
詩樛木

敦敦然道傍之葦牧牛羊者毋使踐履折傷之草物方  
茂盛以其終將為人用故周之先王為此愛之況於人

乎

鄭氏箋  
詩行葦

我視彼宗周之洛水矣維此洛水則泱泱然深而廣大  
能灌溉以時浸潤以成嘉穀以喻我視彼古昔之明王  
矣維此明王則仁而寬愛能爵賞以理賜命以成賢者

是王恩之深厚也

毛詩正  
義瞻彼

古太平之時交於萬物有道欲取鴛鴦之鳥必待其長大於其能飛乃罽掩之而羅取之不於幼小而暴夭也非但於鳥獨然以興於萬物皆爾至獺祭魚然後取魚豺祭獸然後捕獸皆待其成而取之也

毛詩正義鴛鴦

服虔云奧休痛其痛而念之若今時小兒痛父母以口就之曰奧休代其痛也

春秋正義昭公三年

天不崇大則覆幬不廣地不深厚則載物不博人不敦

龐則道數不遠

後漢書朱暉列傳

天地之於萬物也好生帝王之於萬人也慈愛

後漢書  
寇恂傳

流大漢之愷悌蕩亡秦之毒螫

後漢書  
班彪傳

前王作典明慎議獄而偕濫易意朱公論壁光澤相如

而倍薄異價

宋書  
顧延之傳

孱馬則差的馬則闇是以禮道尚優法意從刺優則人

自為厚刺則物相為薄

宋書  
顧延之傳

然楚履既墜江君徘徊鍾牛一聲東向改轡

魏書  
趙脩恩倖傳

乳獸含牙蒼鷹垂翅

北齊書  
文苑樊遜傳

淵者衆物之所生也能深而不涸則沈玉至主者人之

所仰而生也能寬裕純厚而不苛忤則民人附

管子形勢解

臣聞君子如美淵澤容之衆人歸之如魚有依極其游  
泳之樂若淵澤決竭其魚動流夫往者維雨乎不可復

已

晏子春秋問下

譖慝之言無入之耳批扞之聲無出之口殺傷人之孩

無存之心雖有詆訐之民無所依矣

墨子脩身

衣人以其寒也食人以其饑也饑寒人之大害也救之

義也人之困窮甚如饑寒故賢主必憐人之困也必哀人之窮也如此則名號顯矣國士得矣

呂氏春秋愛士

聖人愛念百姓如孩穉赤子長養之而不責望其報

上河

公註老子任德

墻薄則亟壞綰薄則亟裂器薄則亟毀酒薄則亟酸夫

薄可以曠日持久者殆未有也故有國畜民施政教者

臣竊以為厚之而可耳

賈子新書連語

先王之法政不掩羣不取麇天不涸澤而漁不焚林而

獵豺未祭獸罝罟不得布於野獺未祭魚網罟不得入  
於水鷹隼未摯羅網不得張於谿谷草木未落斤斧不  
得入山林昆蟲未蟄不得以火燒田孕育不得殺鷲卵  
不得探魚不長尺不得取羶不期年不得食是故草木  
之發若蒸氣禽獸歸之若流原飛鳥歸之若煙雲有所

以致之也

淮南子  
主術訓

善御者不忘其馬善射者不忘其弩善為人上者不忘

其下

淮南子  
繆稱訓

慈父之愛子非為報也不可內解於心聖王之養民非  
求用也性不能已若火之自熱水之自寒夫有何脩焉  
及待其力賴其功者若失火舟中故君子見始斯知終  
矣媒妁譽人而莫之德也取庸而強飯之莫之愛也雖  
親父慈母不加於此有以為則恩不接矣

淮南子  
終稱訓

古者杆木穿皮不蠹不出於四方以是君子之重禮而

賤財也

韓詩  
外傳

故為民父母以養疾子長恩厚而已

鹽鐵論  
周秦



聖人之於天下百姓也其猶赤子乎饑者則食之寒者則衣之將之養之育之長之唯恐其不至於大也

說苑  
貴德

聖人之於天下也譬猶一堂之上也今有滿堂飲酒者有一人獨索然向隅而泣則一堂之人皆不樂矣聖人之於天下也譬猶一堂之上也有一人不得其所者則孝子不敢以其物薦進

說苑  
貴德

河以委蛇故能遠山以陵遲故能高道以優游故能化

德以純厚故能蒙

說苑  
談叢

明君之制賞從重罰從輕食人以壯為量事人以老為

程

說苑  
談叢

臣之家有二白璧其色相如也其徑相如也其澤相如也然其價一者千金一者五百金王曰徑與色澤相如也一者千金一者五百金何也朱公曰側而視之一者厚倍是以千金梁王曰善故獄疑則從去賞疑則從與

新序雜

事四

覩骸骸而改牲避行葦而不蹈者仁之事也

抱朴子外  
篇仁明

人置四面未必得鳥湯去三面置其一面以網四十國

非徒網鳥也

新序雜事五

君聞昔者公劉之行乎羊牛踐葭葦惻然為民痛之恩

及草木豈欲殺不辜者乎

列女傳周列國晉弓士妻

澤枯無魚山童難株

焦氏易林觀之英

次六厚厚君子秉斗測曰厚厚君子得人無疆也

太玄經第

三親

傳曰慈母之怒子也雖折蓂筍之其惠存焉

方言第二

獺未祭魚不施網罟豺未祭獸不脩田獵鷹隼未擊不  
張罽羅霜露未霑不伐草木草木有生而無識鳥獸有  
識而無知猶施仁愛以及之奚況在人而不愛之乎

劉子

愛民

君者其仁如春其澤如雨德潤萬物則人為之死矣

劉子

愛民

明明后辟仁以為政魚遊清沼鳥萃平林

文選補  
亡詩

若墜之惻每勤如傷之念恒軫

文選王融  
策秀才文

三方落網一面駟禽德以行政仁乎用心

藝文類聚帝王部殷成湯

贊

幸聖王留善貸之德紆好生之施解網祝禽下車泣罪

藝文類聚人

部言志書

今主君以寬宏為宇仁惠為廬若地之載如天之燾

藝文

類聚人部嘲戲

若能服溫厚而知穿弊之苦周明之德也厭滋旨而識

空嘽之急仁恕之功也

藝文類聚人部鑒誡詰

恩加禽獸胎卵於是獲全仁需草木牛羊所以勿踐

文苑

英華薛道衡  
帝德上頌

景公探爵穀弱故反之晏子逡巡再拜賀曰君有聖人之道矣君探爵穀穀弱故反之此聖人之道也

太平御覽禮義

賀部

童牛不服童馬不馳是謂大仁

太平御覽人事部仁惻

邯鄲之民以正月之旦獻鳩於簡子簡子大悅厚賞之客問其故簡子曰正旦放生示有恩也客曰民知君欲

放之故競而捕之死者衆矣君而欲生之不若禁民弗

捕捕而放之恩不遍不相補矣

太平御覽時序部元日

麟肉角鳳肉味皆示有武而不用也

埤雅品物門麋

被銘曰被雖溫無忘人之寒無厚於己無薄於人

困學紀聞

卷二十  
雜識

騶虞雖饑非自死之草不食

何氏語林文學南史

君子殺民如殺身活人如活己

道德經指歸卷十二

精誠

觀盥而不薦有孚顒若

易觀

王道之可觀者莫盛乎宗廟宗廟之可觀者莫盛於盥

也至薦簡畧不足復觀故觀盥而不觀薦也

王弼註  
易觀

明信顯著不存外飾處坎以斯雖復一樽之酒二簋之

食瓦缶之器納此至約自進於牖乃可羞之於王公薦

之於宗廟

王弼註  
易坎

天地感而萬物化生聖人感人心而天下和平

易咸

孚乃利用禴

易萃



今予其敷心腹腎腸

書盤  
庚下

匠人有以感斤櫨故繩可得料也羿有以感弓矢故彀  
可得中也造父有以感轡策故邀獸可及遠道可致

管子

小稱

含德之厚比於赤子毒蟲不螫猛獸不據攫鳥不搏骨  
弱筋柔而握固未知牝牡之合而峻作精之至也終日

號而不啞和之至也

老子  
玄符

精之所動若春氣之生秋氣之殺故君子者其猶射者

也於此毫末於彼尋丈矣

文子  
精誠

譬猶兆龜數著至誠自契五行應之誠苟不至兆之數

之無一應者

關尹子  
四符篇

真者精誠之至也不精不誠不能動人故強哭者雖悲  
不哀強怒者雖嚴不威強親者雖笑不和真悲無聲而  
哀真怒未發而威真親未笑而和真在內者神動於外

是所以貴真也

莊子  
漁父

乳羴觸虎乳狗不遠遊不忘其親也

荀子  
榮辱

天地為大矣不誠則不能化萬物聖人為知矣不誠則不能化萬民父子為親矣不誠則疏君上為尊矣不誠則卑

荀子不苟篇

人或謂兔絲無根非無根也其根不屬也伏苓是慈石召鐵或引之也樹相近而靡或輒之也聖人南面而立以愛利民為心號令未出而天下皆延頸舉踵矣則精

通乎民也

呂氏春秋精通

今夫攻者砥厲五兵侈衣美食發且有日矣所被攻者

不樂非或聞之也神者先告也身在乎秦所親愛在於  
齊死而志氣不安精或往來也

呂氏春秋  
精通

養由基射虎中石矢乃飲羽誠乎虎也伯樂學相馬所  
見無非馬者誠乎馬也宋之庖丁好解牛所見無非死  
牛者三年而不見生牛用刀十九年刃若新剗研順其

理誠乎牛也

呂氏春秋  
精通

子之於父母也一體而兩分同氣而異息若草莽之有  
華實也若樹木之有根心也雖異處而相通隱志相及

痛疾相救憂思相感生則相歡死則相哀此之謂骨肉之親神出於忠而應乎心兩精相得豈待言哉

呂氏春秋精通

三月嬰兒軒冕在前弗知欲也斧鈇在後弗知惡也慈母之愛諭焉誠也故誠有誠乃合於情精有精乃通於天乃通於天水木石之性皆可動也又況於有血氣者乎故凡說與治之務莫若誠聽言哀者不若其哭也聽言怒者不若其鬪也說與治不誠其動人心不神

呂氏春秋

具備

齊有善相狗者其隣假以買取鼠之狗期年乃得之曰  
是良狗也其隣畜之數年而不取鼠以告相者相者曰  
此良狗也其志在獐麋豕鹿不在鼠欲其取鼠也則桎  
之其隣桎其後足狗乃取鼠夫驥騫之氣鴻鵠之志有  
諭乎人心者誠也人亦然誠有之則神應乎人矣言豈  
足以諭之哉此謂不言之言也

呂氏春  
秋士容

夫疾呼不過聞百步志之所在踰於千里冬日之陽夏  
日之陰萬物歸之而莫使之然故至精之象弗招而自

來不麾而自往窈窈冥冥不知為之者誰而功自成

淮南

子主  
術訓

至精之所動若春氣之生秋氣之殺也雖馳傳驚置不  
若此其亟故君人者其猶射者乎於此毫末於彼尋常  
矣故慎所以感之也夫榮啟期一彈而孔子三日樂感  
於和鄒忌一微而威王終夕悲感於憂動諸琴瑟形諸  
音聲而能使人為之哀樂縣法設賞而不能移風易俗  
者其誠心弗施也甯戚商歌車下桓公喟然而寤夫至

精入人深矣

淮南子  
主術訓

湯之時七年旱以身禱於桑林之際而四海之雲湊千里之雨至抱質效誠感動天地神諭方外令行禁止豈

足為哉

淮南子  
主術訓

勇士一呼三軍皆辟其出之也誠故倡而不和意而不戴中心必有不合者也故舜不降席而王天下者求諸

已也

淮南子  
繆稱訓

金錫不消釋則不流刑上憂尋不誠則不法民

淮南子  
繆稱訓



心之精者可以神化而不可以導人目之精者可以消  
澤而不可以昭認在混冥之中不可諭於人故舜不降  
席而天下治桀不下陛而天下亂蓋情甚乎呌呼也

淮南

子繆  
稱訓

三月嬰兒未知利害也而慈母之愛愈篤者情也故言  
之用者昭昭乎小哉不言之用者曠曠乎大哉

淮南子  
繆稱訓

甯戚擊牛角而歌桓公舉以大政雍門子以哭見孟嘗  
君涕流沾纓歌哭衆人之所能為也一發聲入人耳感

人心情之至者也故唐虞之法可效也其諭人心不可

及也

淮南子  
繆稱訓

哭之發於口涕之出於目此皆憤於中而形於外者也  
譬若水之下流煙之上尋也夫有孰推之者故強哭者  
雖病不哀強親者雖笑不和情發於中而聲應於外故  
釐負羈之壺飡愈於晉獻公之垂棘趙宣孟之東脯賢  
於智伯之大鐘故禮豐不足以效愛而誠心可以懷遠

淮南子

齊俗訓

太王亶父處邠狄人攻之杖策而去百姓攜幼扶老負  
釜甌踰梁山而國乎岐周非令之所能招也秦穆公為  
野人食駿馬肉之傷也飲之美酒韓之戰以其死力報  
非券之所能責也宓子治亶父巫馬期往觀化馬見夜  
漁者得小即釋之非刑之所能禁也孔子為魯司寇道  
不拾遺市買不豫賈田漁皆讓長而班白不戴負非法  
之所能致也夫矢之所以射遠貫牢者弩力也其所以  
中的剖微者正心也賞善罰暴者政令也其所以能行

者精誠也故弩雖強不能獨中令能明不能獨行必自精誠所以與之施道故據道以被民而民弗從者誠心

弗施也

淮南子  
泰族訓

夫蛟龍伏寢於淵而卵割於陵滕蛇雄鳴於上風雌鳴於下風而化成形精之至也

淮南子  
泰族訓

勇士一呼三軍皆辟士之誠也昔者楚熊渠子夜行見寢石以為伏虎關弓射之滅矢飲羽下視知石也却復射之矢摧無迹熊渠子見其誠心而金石為之開況人

心乎唱而不和動而不隨中必有不全者矣

新序雜事四

次二蛟潛于淵陵卵化之人或陰言百姓和之測曰蛟

潛之化中精誠也

太玄經第四迎

祭祀之道莫盛修德故紂之牛牲不如文王之蘋藻也

前漢書註

郊祀志

鏡質薄而能照目形小而能視以其精明也故聖人以至精感人至誠應物為樂不假鐘鼓之音為禮不待玉帛之惠此所感之至也

李善註文選陸士衡演連珠

萬邦凱樂非悅鐘鼓之娛天下歸仁非感玉帛之惠

文選

陸士衡  
演連珠

譬如慈母唯有一子其子得病父母亦病其子病愈父

母亦愈

海空智藏  
經捨受品

操柄

令行禁止王始也出一曰神明出二曰分光出三曰無

適異出四曰無適與無適與者亡

汲冢周書  
文傳解

日之中也仄月之望也食威之失也陰食陽

汲冢周書  
周祝解

無虎傳翼將飛入宮擇人而食

汲冢周書  
寤敬解

日君象也月臣象也微謂虧傷也君道當常明如日而月有虧盈今君失道則任小人大臣專次則日如月然

鄭氏箋

詩柏舟

日當常明月即有虧今日何為與月更迭而虧傷乎猶君何為與臣更迭而屈伸乎

毛詩正  
義柏舟

有頽然者之皮弁實維伊何乎宜在於首以為表飾也以興有尊貴者之天王維如何乎宜君於上以正綱紀

也

毛詩正義  
類弁

汎汎然浮於水上者楊木之舟舟人以紼繩繫而維持

之使不得東西也以興居於民上者諸侯之君也明王

以禮法約而制禦之使不得違叛也

毛詩正義  
米菽

糟者猶糟實者猶實玉者猶玉血者猶血酒者猶酒優

以繼慎政出自家門此之謂失政也

大戴禮記  
少問

孔子曰天無二日土無二王者天有二日則草木枯萎

土有二王則征伐不息

禮記正義  
曾子問



然君異于器不可以二器二不匱君二多難

左傳哀公六年

夫水能浮草木亦能沉之地能生萬物亦能殺之江海能下谿谷亦能朝之聖人能從衆亦能使之

吳越春秋勾踐歸國

外傳

應侯謂昭王曰亦聞恒思有神叢與恒思有悍少年請與叢博曰吾勝叢叢藉我神三日不勝叢叢困我乃左手為叢投右手自為投勝叢叢藉其神三日叢往求之遂弗歸五日而叢枯七日而叢亡今國者王之叢勢者

王之神藉人以此得無危乎臣未嘗聞指大於臂臂大於股若有此則病必甚矣

戰國策秦昭襄王

萬乘之主不制於人臣十乘之家不制於衆人匠夫徒步之士不制於妻妾而又況於當時之賢主者乎

戰國策燕

昭王

百人與瓢而趨不如一人持而走疾百人誠與瓢瓢必裂今秦國華陽用之穰侯用之太后用之王亦用之不稱瓢為器則已稱瓢為器國必裂矣

戰國策秦昭襄王

荆宣王問羣臣曰吾聞北方之畏昭奚恤也果誠何如  
江乙對曰虎求百獸而食之得狐狐曰子無敢食我也  
天帝使我長百獸今子食我是逆天帝命也子以我為  
不信吾為子先行子隨我後觀百獸之見我而敢不走  
乎虎以為然故遂與之行獸見之皆走虎不知獸畏已  
而走也以為畏狐也今王之地地方五千里帶甲百萬而  
專屬之昭奚恤故北方之畏奚恤也其實畏王之甲兵  
也猶百獸之畏虎也

戰國策  
楚宣王

至秦則不然張誹謗之罔以為漢毆除倒持太阿授楚

其柄故誠能勿失其柄天下雖有不順莫敢觸其鋒

前漢

書梅  
福傳

如下有泰山之安則上有累卵之危

前漢書楚  
元王傳

天子盛威若燎火之陽今委政王氏不炎熾矣

前漢書  
叙傳述

成紀  
註

恐威權外假歸之良難虎翼一奮卒不可制

後漢書  
崔列傳

夫釣者中大魚則縱而隨之須可制而後牽則無不得

也人主之威豈徒大魚而已

魏志劉曄傳

自古至今安有四五人把持刑柄而不離刺轉相踣齧

者也

吳志諸葛瑾傳

且垂猶鷹也饑則附人飽便高颺遇風塵之會必有凌

霄之志惟宜急其羈絆不可任其所欲

晉書慕容垂傳

宸極居中則列宿齊其容帝王順天則羣后仰其度

魏書

太祖紀

以大督小從近及遠如身之使手幹之摠條

魏書食貨志

見未能高飛者借其羽毛知逸勢冲天者剪其翅翮

北齊

書盧文

倅傳

日中必彗操刀必割執斧必伐日中不彗是謂失時操

刀不割失利之期執斧不伐賊人將來

太公六韜守土

無借人國柄借人國柄則失其權無掘壑而附丘無舍

本而治末

太公六韜守土

無借人利器借人利器則為人所害而不終其世

太公六韜

守

土

無實則無勢失轡則馬馬制

管子七  
臣七主

夫明王之所輕者馬與玉其所重者政與軍若失主不  
然輕與人政而重與人馬輕予人軍而重予人玉重宮  
門之營而輕四境之守所以削也夫權者神聖之所資  
也獨明者天下之利器也獨斷者微密之營壘也此二  
者聖人之所則也聖人畏微而愚人畏明聖人之憎惡  
也內愚人之憎惡也外管子  
霸言

鯨魚失水則制於螻蟻人君舍其所守而與臣爭事則

制於有司

文子上仁

術者人君之所密用羣下不可妄窺勢者制法之利器羣下不可妄為人君有術而使羣下得窺非術之與者有勢使羣下得為非勢之重者

尹文子大道上

白君道也青臣道也青驪於白謂權臣擅命雜君道也

君道雜則君不勝矣

公孫龍子通變論註

君之制臣猶金之勝木其來久矣而白不勝為青所驪是木賊金而臣掩君之謂也青染於白其色碧也臣而



掩君其道亂也君道之所以亂由君不正舉也

公孫龍子通變

註

諺曰蠹衆而木折隙大而牆壞故大臣爭於私而不顧其民則下離上下離上者國之隙也秩官之吏隱下以漁百姓此民之蠹也故有隙蠹而不亡者天下鮮矣是故明王任法去私而國無隙蠹矣

商子修權

樞者居中以運外處近而制遠主於轉動者也故天之北辰謂天樞門之運轉者謂之戶樞然則持樞者動運

之柄以制物也

鬼谷子本  
經陰符註

君者國之隆也父者家之隆也隆一而治二而亂自古

及今未有二隆爭重而能長久者

荀子致  
仕篇

不謹其閉不固其門虎乃將存不慎其事不掩其情賊

乃將生

韓非子  
王道

夫勢者便治而利亂者也故周書曰毋為虎傅翼將飛

入邑擇人而食之夫乘不肖人於勢是為虎傅翼也

韓子

勢難

夫虎之所以能服狗者爪牙也使虎釋其爪牙而使狗用之則虎反服狗矣人主者以刑德制臣者也今君人者釋其刑德而使臣用之則君反制於臣矣

韓非子  
二柄

夫人臣之侵其主也如地形焉即漸以往使人主失端東西易面而不自知故先王立司南以端朝夕

韓非子  
有度

道不同於萬物德不同於陰陽衡不同於輕重繩不同於出入和不同於燥濕君不同於羣臣凡此六者道之

出也

韓非子  
揚權

內索出園必身自執其度量厚者虧之薄者靡之虧靡

有量毋使民比周同欺其上虧之若月靡之若勢

韓非子揚

權

彼求我予假求人斧假之不可彼將用之以伐我

韓非子揚

權

故上失扶寸下得尋常

韓非子揚權

毋弛而弓一棲兩雄一棲兩雄其關嘖嘖

韓非子揚權

腓大於股難以趨走主失其神虎隨其後

韓非子揚權

母富人而貸焉母貴人而逼焉母轉信一人而失其都

國焉

韓非子  
揚權

掘其根本木乃不神填其洶淵母使水清

韓非子  
揚權

主上不知虎將為狗主不蚤止狗益無已虎成其羣以

弑其母為主而無臣奚國之有主施其法大虎將怯主

施其刑大虎自寧法刑狗信虎化為人復反其真

韓非子  
揚權

權

為人君者數披其木母使木枝扶疎木枝扶疎將塞公

閭私門將實公庭將虐主將壅園數披其木無使木枝  
外拒木枝外拒將逼主處數披其木毋使枝大本小枝  
大本小將不勝春風不勝春風枝將害心

韓非子  
揚權

黃帝有言曰上下一日百戰下匿其私用試其上上操  
度量以割其下故度量之立主之寶也黨與之具臣之

寶也

韓非子  
揚權

虎豹必不用其爪牙而與鼯鼠同威萬金之家必不用

其富厚而與監門同資

韓非子  
八說

人之不事衡石者非貞廉而遠利也石不能為人多少  
衡不能為人輕重求索不能得故人不事也明主之國  
官不敢枉法吏不敢為私利貨賂不行是境內之事盡

如衡石也

韓非子  
八說

有術而御之身坐於廟堂之上有處女子之色無害於

治無術而御之身雖瘁臞猶未有益

韓非子外  
儲說左

人主者利害之輶較也射者衆

韓非子外  
儲說左

夫獵者託車輿之安用六馬之足使王良佐轡則身不

勞而易及輕獸矣今釋車與之利損六馬之足與王良之御而下走逐獸則雖樓季之足無時及獸矣託良馬固車則臧獲有餘國者君之車也勢者君之馬也夫不處勢以禁誅擅愛之臣而必德厚以與天下齊行以爭民是皆不乘君之車不因馬之利舍車而下走者也

韓非

子外儲  
說左

方吾子曰吾聞之古禮行不與同服者同車不與同族者共家而況君人者乃借其權而外其勢乎

韓非子外  
儲說右



賞罰共則禁令不行何以明之以造父於期子罕為出  
羸田恒為圃池故宋君簡公弑患在王良造父之共車  
田連成竅之共琴也

韓非子外  
儲說右

淖齒之用齊也擢閔王之筋李兌之用趙也餓殺主父  
此二君者皆不能用其椎鍛榜擊故身死為戮而為天

下笑

韓非子外  
儲說右

入齊則獨聞淖齒而不聞齊王入趙則獨聞李兌而不  
聞趙王故曰人主者不操術則威勢輕而臣擅名

韓非  
子外

諸說

右

靖郭君相齊與故人久語則故人富懷左右刷則左右

重久語懷刷小資也猶以成富況於吏勢乎

韓非子內諸說下

勢重者人主之淵也臣者勢重之魚也魚失於淵而不

可復得也人主失其勢重於臣而不可復收也

韓非子內諸說

下

凡耳之聞也藉於靜目之見也藉於昭心之知也藉於

理君臣易操則上之三官者廢矣

呂氏春秋任數

人君不重則不尊治身不重則失神草木之華輕故零

落根重故長存也

河上公註  
老子重德

不正本而反自修則人主逾勞人臣逾逸是猶代庖宰

割牲而為大匠斲也與馬競走筋絕而弗能及上車執

轡則馬死於衡下故伯樂相之王良御之明主乘之無

御相之勞而致千里者乘於人資以為羽翼也

淮南子  
主術訓

筦子曰權不兩錯政不二門故曰脰大於股者難以步

指大於臂者難以把本小末大不能相使也

說苑  
君道

虎饑欲食為蜎所伏

焦氏易林  
豫之比

大尾小頭重不可搖上弱下強陰制其雄

焦氏易林  
咸之坎

放銜垂轡奔馬不制棄法作奸君失其位

焦氏易林  
蹇之姤

君猛臣懾虎行兔伏

焦氏易林  
震之遯

龍而蛇伏故不君者也

太玄經第  
一開註

初一蛇伏於泥無雄有雌終莫受施測曰蛇伏於泥君

不君也

太玄經  
第一開

夫國不可從外治兵不可從中御

潛夫論  
勸將

婦人專政國不靜牝雞雄鳴主不榮

蔡中郎集  
答災異

明銓衡者所重不可得誣也仗法度者所愛不可得私也故得人者先得之於已者也失人者先失之於已者

也

抱朴子外  
篇廣警

然則刑之為物國之神器君所自執不可假人猶長劍

不可倒捉巨魚不可脫淵也

抱朴子外  
篇用刑

君孤立於上臣弄權於下本末不能相御身手不能相

使

文選曹元  
首六代論

曾不知鼠憑社貴狐藉虎威

文選沈約  
思倖傳論

姦人無所逃其刑惡吏無所窮其詐如身手之相驅弦

括之相接矣

藝文類聚刑  
法部刑法表

君臣之間猶權衡也權左擲則右重右重則左輕輕重

迭相移天地之理也

太平御覽  
資產部秤

夫威福者人主之神器也譬之操莫邪執其柄則人莫

敢抗失其柄則還見害也

太平御覽刑法  
部律令科附

可怒而不怒臣乃為虎可殺而不殺大賊乃發

太平御  
覽皇王

郵敘皇

王上

魚藏於水權隱於心故物莫之害也魚失水為物所擒

權示人即為人所制

道德經註  
疏卷二

喻林卷六十二